

Obavještenje o Odluci visokog predstavnika da ukinе zabranu izrečenu Edinu Suljiću Odlukom visokog predstavnika od 15. novembra 2000.

Svojom Odlukom br. 61/00 ("Odluka br. 61/00"), visoki predstavnik je suspendovao gospodina Edina Suljića sa mjesta glavnog inspektora Finansijske policije. Navedenom Odlukom br. 61/00 također je zabranjeno g. Suljiću preuzimanje bilo koje druge dužnosti u Finansijskoj policiji ("zabrana").

Na osnovu pažljivog razmatranja predmeta g. Suljića i nakon što je zaključeno da njegovo imenovanje više ne predstavlja prijetnju za implementaciju mira, institucionalnu cjelovitost odnosno demokratiju u Bosni i Hercegovini, odlučio sam da ovu zabranu ukinem. Edinu Suljiću se ovim izričito dozvoljava vršenje bilo koje funkcije u Finansijskoj policiji.

Ovakav ishod opravdavaju načela pravičnosti, pravilnog upravljanja i razboritog ispunjavanja međunarodnog mandata visokog predstavnika, kojima se uzima u obzir ravnoteža između zaštite državne stabilnosti i prava pojedinaca.

Ovom Odlukom ne stavlja se u pitanje validnost Odluke iz 2000. godine. Ovom Odlukom se ne ovlašćuje g. Suljić da se automatski vrati na funkcijusa koje je suspendovan na osnovu Odluke br. 61/00. Također, ovom Odlukom, njemu se ne daje pravo na odštetu po osnovu bilo koje naknade, drugih oblika neostvarenih novčanih beneficija ili privilegija odnosno statusa koje je izgubio kao rezultat Odluke br. 61/00.

Ova Odluka ne predstavlja amnestiranje nego prospektivno

ukidanje Odluke br. 61/00. Odluka br. 61/00 se ne briše i ostaje kao sastavni dio zakonodavne evidencije Bosne i Hercegovine.

Ukoliko su odredbe ove Odluke u suprotnosti s domaćim zakonodavstvom vezano za bilo koji od predmeta koji su njom obuhvaćeni, ova Odluka će biti mjerodavna. Odluke visokog predstavnika imaju veću pravnu snagu i prednost u odnosu na domaće zakonodavstvo koje je s njima u suprotnosti. Ovom zakonodavnom izjavom se deklarativno obuhvaćaju postojeće i buduće odluke visokog predstavnika.

Ova Odluka stupa na snagu odmah i ne zahtijeva poduzimanje nikakvih dodatnih proceduralnih radnji.

Ova Odluka se objavljuje odmah u "Službenim novinama Federacije Bosne i Hercegovine".

Sarajevo, 24. august 2005.

Paddy Ashdown
Visoki predstavnik